

KL9
H819
57501

9644/06

docriver 文川网
古籍书城
入駐商家
在文川网搜索古籍书籍 获取更多电子书

中國方志叢書·華中地方·第三七五號

據

民國·嚴希慎等修，陳天錫等纂
民國十二年鉛印本


影印

四川省

江安縣志

(一)

成文出版社有限公司印行



K29
4819
375(2)

SK44/08

中國方志叢書·華中地方·第三七五號

據


民國·嚴希慎等修，陳天錫等纂
民國十一年鉛印本

影印

四川省

江安縣志

成文出版社有限公司印行



(二)



中華民國六十五年 月壹一版

江安縣志

全二冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

docsriver 文川网
入驻商家 古籍书城

在文川网搜索古籍书城 获取更多电子书

民國十二年季春月刊

涇安縣志

瀘縣桂花街牖羣書局代印

江安縣志序

辛酉壬戌間江安前令嚴純吾君督修縣志已付印矣適刷印局災幸稿存復彙成表更增集節孝孝友若干條以軍事起未付梓會予承乏江安縣紳以序請予曰嘻此中殆有天耶孝義者天之所欽設志載有遺則潛德幽光無時而顯書未出而遽燬殆天所以表彰孝義諸人而故稍遲以有待歟於戲縣之人其知勉矣是爲序

中華民國十一年冬十月江安縣知事華陽周大熙

江安縣志序

民國十年冬慎奉檄江安甫下車縣中耆宿卽以修志請叩其故則曰世數亂兵數起縣令一歲數更於縣中風俗人心一切政務茫無端緒各圖敷衍數月飽橐以去而縣民不堪其苦矣故夫縣志之作非徒以激勵縣民亦所以扶助政教因革損益開卷了然庶生長斯土者不至數典忘祖而服官臨民者亦得藉手以爲興利除弊之資不亦懿乎且縣志爲省志之信史國史之根據江安前志舛漏甚多經今百年未加修葺其間忠魂毅魄孝子節婦文人畸士顯宦名儒皆有待於表章苟薈萃成書以備一縣掌故是則縣人所深願也慎重違其請因延訪諸名流董其事書凡六閱月而成其體例謹嚴徵引詳盡心實佩之竊維孟子論尙友有一鄉之善士一國之善士天下之善士縣志所載一鄉

之善士也而天下之善士亦出其中江安雖僻在偏隅近日達官貴仕文章風節蒸蒸蔚起是志之成縣之人其亦有感發奮勵十倍前烈者乎而慎也掛名職官兼總其事敢不勉循厥職讀司馬溫公諫院題名記蓋不勝憬然也
中華民國十一年六月江安縣知事西充附生嚴希慎序

江安縣志序

書各有體縣志之體與正史異正史斷代爲書者也與通史異通史專紀歷代人物政事者也與方聞郡國志又異方聞郡國志如華陽國志襄陽耆舊傳荆楚歲時記之類亦擇殊尤絕迹可傳而后筆之者也惟縣志體最糅糅其載地理表職官傳人物則似正史其合古今言之則似通史其雜記風土物產則又似方聞郡國之志然則縣志當用何體曰縣志有縣志之體而已康對山武功志吾病其簡章一頁齋

澧縣志文多事少亦非體也近吳摯甫汝論深州風土紀或庶幾焉惟本州志必
 矯其名曰風土似亦可以不必也國變以來競修縣志通令取富順段玉裁志
 為準段志非有殊異然較之多立門類雜亂無章者實遠過之竊嘗謂縣志本
 為縣人而設非千秋不刊之書也苟以振古之才具左史班范之筆名山著述
 百世自有定論區區縣志求一可紀之山川可傳之人物恒不數數視若必橫
 使才情掃除沓冗小善既不足紀錄大賢名德豐功駿烈又不可嚮壁虛造若
 是則志竟可以不作吾曩在陝分纂省志得遍讀一百府廳州縣志如康對山
 洪北江朝邑縣志諸作不禁為兩縣負屈惟三元渭南兩志剪裁有法最為折
 中較富順志似又過之民國十年十月江安嚴侯純吾見屬斯事與共斟酌體
 例畧倣富順三元渭南諸志意存激勸不敢過高亦不敢太濫要使官斯土民

斯縣者感發興起日進於道德文明之域則是書爲不空作而嚴侯之貽澤於江安者爲無窮也書成質之嚴侯並訊之父老子弟其以鄙言爲然否前知陝西石泉縣事邑舉人陳天錫謹序於古安濟廟之石室

清知縣高學濂舊志序

志者志其風土人情山川險隘與夫官師之賢否俾後之人考鏡而致治焉非徒摭羣書矜博雅也江安舊志遭明季兵燹蕩然無存國朝乾隆間前令屠君頌屬邑人雷君伊纂輯惜未成書然蹂躪於山巔水涯搜羅殆遍厥功偉哉嘉慶壬申制軍常重修省志檄郡縣具圖籍前令趙君模潤色雷君志稿刊而上的余觀康對山武功志韓五泉朝邑志均七篇文簡事覈王阮亭稱爲巨麗蓋志者史之餘體雖稍異法則無殊余竊竊其意並倣諸名志體例取舊志而增

損之始於道光九年七月十日成於是年十月望日後之君子尙其繼而正焉
清知縣趙模舊志序

志本於史山川風土之宜古今興廢之故皆係焉凡以考証得失非徒資博覽也江安爲蜀東南一隅本漢犍爲郡江陽縣地漢末屬江陽郡晉置漢安縣隋改江安縣屬瀘川郡唐屬瀘州貞觀中以思隸思逢施陽三縣省入宋元明仍屬瀘州國朝因之其山則有漢陽連天之奇水則有共樂清溪之利人物則有熊黃之清廉楊雷之忠節炳炳麟麟固一時稱盛者也舊志燬於明季蕩然無存予於嘉慶己巳承乏茲土見夫鬱鬱葱葱者山川無恙也登偶住之亭而考求故事蓋不可復識矣夫志者誌也誌一時以誌千百世傳其地傳其人後之人按冊而稽曰某山也某賢士大夫之所至也某水也某鄉先生之所止也流

連憑弔自有觀感而興者乃缺然無存不獨都人士之羞抑亦守土者之責也
顧作志難作縣志尤難廣袤不過二百里綜覈上至千百年貴博而有要該而
不遺模不敏何能爲役然畏其難而因循顧望使前人仰望於後人者後人復
仰望於後人嗚呼其有終極耶爰取雷君志稿爲粉本並搜羅散失遍及斷碣
殘碑閱三月而成書自知因陋就簡貽笑大方然因之以爲嚆矢後之君子必
有潤色而增修之者

嘉慶十
七年

江安縣志總目

卷一

建置第一 歷代沿革

疆域第二 甲四至八到 乙分合圖

城池第三 兩街巷

衙署第四 附各公所 教堂 善堂

鎮鄉第五 附各埧 水利 土產等

山川第六 甲山 乙川附灘險 丙溝井堰塘

關津第七 甲岩隘 乙津梁道路 形勝附

戶口第八

五

五

賦稅第九甲丁田副稅

乙權課

丙積貯

丁蠲政

卷二

學校第十甲書院義塾

乙學校

丙學生

禮俗第十一

兵事第十二

古蹟第十三甲古地名勝

乙金石

丙坊表

丁名墳

戊義冢

廟祀第十四

職官第十五

卷三

政績第十六

平南史稿卷一

選舉第十七進士 舉人 貢生 武科 仕進 議員 封蔭附

鄉賢第十八

忠義第十九

孝友第二十附善行

文學第二十一

人瑞第二十二

卷四

列女第二十三甲貞節 乙壽母 丙孝婦孝女

祥異第二十四

外紀第二十五

江安縣志 目錄

都凡二十五類外附江安文徵一冊

docsriver 文川网
入驻商家 古籍书城

在文川网搜索古籍书城 获取更多电子书

江安縣志例言

一江安嘉慶趙志繁複蕪冗全無體例道光高志又刪削太甚板燬久矣今略倣富順段志斟酌雅俗之間庶當萬一

一春秋書法內魯而外諸夏詳近而畧遠本志甄錄一倣斯旨

一古書漢安地理人物概當屬之內江本書不錄其理由詳見建置類中

一政績鄉賢等善善從長不拘請旌入祠之例何者國家旣以例繩之志復以例格之是志亦例也表彰幽隱之謂何故是編寧寬毋刻

一每類前不用序後不用贊刪削浮文直敘故實總期事覈文省惟山川古蹟間爲描摹點綴一則引起閱者興味一則藉存文士苦心爾

一舊志漏脫譌誤頗多蓋趙屬草擬其事本難高體製簡當而博覽不足故沿

訛至今茲添補駁正不下數十百條舊志尙存明眼人當自知之

一文人專集行世談何容易今片紙隻字之長莫非心血概入志乘既嫌其冗

一經刪削從此湮沒矣茲做章實齋文徵之例別泐上下兩卷附本志後

一縣志史體例應刪節以成一家之言惟念縣中盛德大業殊不數數傳中略存有名文字墓志數篇非惟表彰其人亦以光輝志乘閱者鑒之

一文徵與志相輔而行只錄縣人著作多涉縣事若外縣著作涉及縣事者錄入外紀體例所關不容牽混至輿圖與山川等類互文見義閱者須知

一正文均頂格分注及附錄事實詩文等低一格目錄低二格以清眉目

一刻書例不圈點茲爲便利少年初學起見不得不爾惟 孔子 關

岳兩廟不加圈點以昭鄭重

江安縣修志職銜

總裁

江安縣知事四川高等農業專門學校畢業生西充附

生 嚴希慎

總纂

前同知陞銜陝西石泉縣知縣甲午科舉

人 陳天錫

分纂

四川陸軍第九師司令部諮議官前國史館顧問癸卯科舉

人 朱青長

選川府經歷教育會會長歲貢

生 徐慎先

前四川高等審判廳書記官庠

生 馮良金

校勘

江安縣承審員四川通省法政畢業華陽縣

人 李士磨

協理

江安縣縣視學四川通省師範畢業

生 周 晉

庶務

四川陸軍第九師司令部諮謀官庠

生 馮潤忠

繪圖

江安縣高小學校校長省三中學校畢業教員

生 李遐準
仁壽

採訪

江安城議事會會長增

生 馮世英

陝西候補直隸州州判己酉科拔

貢 曹廣颺

議叙知府銜候選教諭增

生 李祚釗

前署榮昌縣知事現任江安縣團練局長四川自治研究所畢業生 熊先覺

庠 生 蔣慰祖

四川省第一屆省議員日本警務師範畢業 生 高裕文

庠 生 鄧振邦

中學部四川志誠法政學校政治經濟本科得業 士 黃濱

庠 生 劉奎

候選州判恩貢 生 張述仁

己酉科拔 貢 徐作靈

增 生 程光棻

廩 庠

名譽採訪

四川陸軍第九師獨立團團部書記官興文增

農商部秘書前貴州學政翰林院編修邑

政事堂存記道尹刷印局局長邑廩貢

簡任職直隸蠡縣知事邑拔貢

四川陸軍第九師司令部諮謀官邑庠

川北邊防軍前敵指揮部參事官四川官班法政畢業

生 方家謨

生 曾維福

生 楊贊宣

人 傅增清

生 文良濟

生 馮濟忠

生 劉含章

生 倪迪光

江安縣志卷一

江安縣知事西充嚴希慎訂

前陝西知縣邑人陳天錫纂

建置第一 歷代沿革

江安在天文井鬼之次入參四度屬禹貢梁州之域漢犍爲郡江陽縣地後漢析置漢安縣

按後漢書郡國志始見漢安縣

蜀漢時升江陽爲郡漢安隸屬晉因之

(晉書)江陽郡

蜀置統縣三

江陽 符 漢安

劉宋爲東江陽郡

見方輿紀要

梁置瀘州與江陽郡並立隋開皇初江陽郡廢東江陽郡亦廢為漢安縣後又改名江安大業初置瀘川郡江安隸之

隋書地理志瀘川郡

梁置瀘州總管府

統縣五瀘川

舊曰江陽並置江陽郡開皇初郡廢大業初置瀘川郡縣改名

焉富世江安

舊曰漢安開皇十八年改名焉

合江綿水

梁置有綿溪

唐屬劍南道瀘州都督府

舊唐書地理志江安漢江陽縣地晉書生獠攻郡破之又置漢安縣隋改為

江安也按据此似晉始有漢安者此舊書之悞不可不知

唐書地理志江安

貞觀八年以夷獠戶置思隸思逢施陽三縣八年省施陽十三年省思隸思逢入焉有鹽

邑舉人陳天錫江安縣釋地江安內江皆古漢安地水經注洛水與綿水合

西出綿竹縣又與涪水合又東逕資中縣又逕漢安縣謂之綿水綿水自江陽方山下入江謂之綿水口以今水道考之漢安之爲內江審矣隋書地理志江安舊曰漢安開皇十八年改名漢安之爲江安審矣晉書有漢安無內江而舊唐書稱內江爲資中縣地於水濱置漢安戍又云漢安故城今縣治蓋內江即漢安城而爲城江安分漢安地而爲地是內江固析資漢而置焉者也大抵六朝以前江南岸未盡墾夷獠雜處羈縻遙置地不厭廣漢安當南越大江北界今資瀘富內之間迄後析置北爲內江南爲漢安

內江據其縣治江安

得其舊名

漢安始與綿水隔鄰道元作水經注時蓋未嘗析置內江也江安今治

在兩岸宋初尙名武寧若則隋唐以前在江北何疑惟不能確指其地耳今江安西南亦有綿水經連天山麓入涪水以合大江亦名綿水口此則隋志

綿水縣之水溪非水經注之綿雒也因綿水綿水口名稱混同縣志又舊唐

書綿水縣當綿水入江之口其所謂江當指大江所謂口即綿水口在今江

安小壩中壩之間据此知唐時之綿水縣治與今治近而古江安之在江北

愈彰彰明矣

宋屬潼川府瀘州瀘川軍

（宋史地理志）江安有寧遠安夷西寧遠南田武寧安遠等砦（按）宋地理志淳祐三年城神臂崖後

改爲江安州而長寧軍有安夷武寧等砦名稱混同皆與江安無涉又地理

志分注云乾德五年廢綿水富義爲上監州其由上監州而以縣水併入江

安當即在此時又地理志築江安之三江磧城今三江磧入長甯縣（通志）兩

縣並列非是邑附貢生雷伊以長寧之武寧爲安江移置亦非蓋亦同名耳

元屬四川南道重慶路瀘州

見(元史地理志)

明屬四川直隸布政司瀘州

見(明史地理志)

清屬四川下川南道瀘州

瀘屬縣三 江安 合江 納谿

民國建瀘州改縣直屬川南道

陳天錫曰舊志於分置省入多悞如云晉太康四年分置綿水縣注見唐書考舊唐書綿水縣漢江陽縣地晉置當綿水入江之口並無分漢安置綿水之文晉書新唐書亦無之豈以分江陽卽爲分漢安耶不知既有江陽又有

漢安不得混併也又云分置涇南縣考舊唐書涇南貞觀八年分瀘川置其
文甚明非江安也又云乾德五年省綿水縣入焉乃不知廢綿水富義爲上
監州而方輿紀要至謂宋乾德五年省入江陽縣不知隋已改江陽爲瀘川

矣紀要較他書爲精博然舛訛亦時有蓋不據正史地理雜引它書糾謬紛紜殊爲失實今概

從正史削正至華陽國志稱漢安在郡東五百里土地雖迫山川特美好此
與劉宋漢安爲東江陽郡合然決非今江安地又華陽國志時先主東下

江安巴漢稽服此時無江安縣當是地名或江陽之訛耳華陽國志說脫甚多原不足據若

南史甄法崇傳繆士通爲江安令又蕭員正封江安侯亦見南史蓋自晉以

後後列有荆州南平郡之江安縣與隋縣同名閱者幸勿牽涉彼事致疑於此也

docsriver 文川网
入驻商家 古籍书城

在文川网搜索古籍书城 获取更多电子书

邑庠馮世英天文辨曰江安北極出地二十八度三十九分三十秒由冬夏至日影折算亦由弧角推步而得既有北極出地度即有地平經緯度天頂經緯度夏至江安天頂在東井北河燿星之間緯度去北極六十一度經度在東井二十五度是分野專屬東井不屬輿鬼也以此定名則日出入皆得其真矣考冬至日出卯正三刻九分日入酉初初刻六分夏至日出卯初初刻六分入酉正三刻九分冬至午正高弧三十七度二十九分直影十三度零分零一秒夏至午正高弧八十四度三十二分直影九十五分七十秒按本類言江安在天文井鬼之次入參四度係沿襲舊志蓋舉大概言之此辨當爲得實惟相傳已久未便擅改備詳於此以俟專家

